

CI-/02/2023

Sabtu, 4 Februari 2023

Medan SABERKAS Miri dilengkapi bekalan gas asli

MIRI, 4 Feb – Para peniaga di Medan SABERKAS Miri berasa gembira dan teruja setelah kawasan tersebut telah dilengkapi dengan bekalan gas asli.

Ia adalah hasil kerjasama pintar Projek Perintis Bekalan Gas Asli di Medan SABERKAS Miri antara Petroleum Sarawak Berhad (PETROS) bersama-sama dengan Majlis Bandaraya Miri (MCC).

Sebanyak 67 buah gerai menerima kemudahan bekalan gas asli tersebut manakala 46 buah gerai lagi akan turut dibekalkan dengan fasiliti tersebut dalam fasa seterusnya.

Majlis perasmiannya diadakan pada Sabtu mencatatkan sejarah baru apabila ia menjadi projek pertama yang berjaya dilaksanakan di bawah Strategi Pembangunan Pasca COVID-19 (PCDS) 2030.

Premier Sarawak, Datuk Patinggi Tan Sri (Dr) Abang Abdul Rahman Zohari Tun Datuk Abang Openg dalam ucapannya yang dibacakan oleh Timbalan Premier, Datuk Amar Douglas Uggah Embas memberitahu, inisiatif ini bakal menyediakan tenaga mampu milik, kelestarian tenaga dan melindungi keselamatan jaminan bekalan kepada komuniti.

Beliau turut berkata, selain Bintulu, Samalaju dan Kuching, Miri juga merupakan salah satu bandar yang telah dikenal pasti sebagai hab gas yang akan memberikan akses kepada bekalan gas yang mencukupi serta tenaga bersih di Sarawak khususnya bahagian utara Sarawak.

Majlis tersebut turut dihadiri oleh tetamu kehormat lain, antaranya Menteri Pangangkutan Sarawak, Dato Sri Lee Kim Shin, Timbalan-timbalan Menteri Sarawak, Datuk Bandar Bandaraya Miri, Adam Yii Siew Sang serta Ketua Pegawai Eksekutif Kumpulan PETROS, Janin Girie.

Dalam majlis tersebut juga, Uggah serta tetamu kehormat yang lain turut meluangkan masa berkunjung ke gerai-gerai peniaga di Medan SABERKAS Miri. -TAMAT-

Disediakan oleh: Riza Kasim (JaPen Miri)

Foto oleh : Riza Kasim (JaPen Miri)

GAMBAR PENERANGAN MENUNJUKKAN:-

Foto 1: Ucapan perasmian Premier Sarawak yang dibacakan oleh Timbalan Premier Sarawak, Datuk Amar Douglas Uggah Embas.

Foto 2: Uggah menyempurnakan gimik perasmian sambil disaksikan oleh tetamu kehormat yang lain.

Foto 3: Timbalan Premier Sarawak meninjau paip utama bekalan gas asli bagi Medan SABERKAS Miri.

Foto 4: Tetamu kehormat merakamkan gambar setelah selesai meninjau paip utama bekalan gas asli Medan SABERKAS Miri.

Foto 5: Tetamu kehormat merakamkan gambar setelah selesai meninjau paip utama bekalan gas asli Medan SABERKAS Miri.